

Headline	Komitmen TNB ringan beban rakyat dipuji		
MediaTitle	Berita Minggu		
Date	21 Aug 2016	Language	Malay
Circulation	125,514	Readership	947,000
Section	Nasional	Page No	17
ArticleSize	347 cm ²	Journalist	Nadia Hamid
PR Value	RM 35,748		



Komitmen TNB ringan beban rakyat dipuji

➔ Kerjasama menerusi PPR-MTEN, PADBKL bantu asnaf miliki kediaman

Oleh Nadia Hamid
dan Fahmy Azril Rosli
bhnews@bh.com.my

► Kuala Lumpur

Kementerian Wilayah Persekutuan memuji komitmen Tenaga Nasional Berhad (TNB) dalam membantu meringankan beban rakyat menerusi sokongan kepada Projek Perumahan Rakyat-Majlis Tindakan Ekonomi Negara (PPR-MTEN) dan Perumahan Awam DBKL (PADBKL).

Menterinya, Datuk Seri Tengku Adnan Tengku Mansor juga berterima kasih kepada Majlis Agama Islam Wilayah Persekutuan (MAWIP) yang turut bekerjasama memastikan kejayaan program berkenaan.

"Kerajaan sedar sektor korporat bukan sekadar satu entiti cari untung semata-mata, tetapi juga berperanan besar menjayakan tanggungjawab sosial kepada masyarakat. Kita menaruh harapan tinggi agar kerjasama

strategik agensi korporat dan kerajaan terus dikekalkan.

Kesejahteraan rakyat terbela

"Kita juga yakin dengan komitmen semua pihak dalam membantu menjayakan hasrat supaya golongan asnaf dapat memiliki rumah dan kesejahteraan rakyat terbela," katanya pada majlis penyerahan sumbangan khas kepada golongan asnaf dan Projek Baiti Jannati (PBJ) TNB, di sini.

Yang turut hadir, Datuk Bandar Kuala Lumpur, Datuk Seri Mhd Amin Nordin Abd Aziz dan Ketua Pegawai Korporat TNB, Datuk Wira Roslan Ab Rahman. Pada majlis itu, seramai 23 penerima menerima replika kunci rumah masing-masing sebagai simbolik penyerahan bantuan berkenaan.

Menerusi kerjasama berkenaan, TNB bersama MAWIP memilih golongan asnaf di Wilayah Persekutuan

untuk menerima bantuan sama ada membina rumah baharu, baik pulih rumah sedia ada atau bantuan berkaitan lain yang dibiayai menerusi wang zakat syarikat utiliti berkenaan.

TNB sedia peruntukan RM1j

Tengku Adnan berkata, MAWIP menyumbang RM42,600 kepada keseluruhan 426 penerima bantuan yang terpilih, manakala TNB memperuntukkan RM1 juta kepada 23 penyewa rumah PPR-MTEN dan PADBKL untuk membiayai kos pembelian, melunaskan hutang penyewa atau pembelian rumah.

Headline	Komitmen TNB ringan beban rakyat dipuji		
MediaTitle	Berita Minggu		
Date	21 Aug 2016	Language	Malay
Circulation	125,514	Readership	947,000
Section	Nasional	Page No	17
ArticleSize	347 cm ²	Journalist	Nadia Hamid
PR Value	RM 35,748		



Tengku Adnan bersama Roslan (tiga dari kanan) beramah mesra dengan penerima pada majlis penyerahan sumbangan khas kepada golongan asnaf dan Projek Baiti Jannati TNB di Kuala Lumpur, semalam.